

國朝耆獻類徵初編卷三百八十七目錄

孝友十三

王瓚

高啟燮

張忠掌

張本沅

胡學惠

王鋒

黃漢隆

劉炳

李維煌

周鉞

謝振宗

邵志珪

蕭御龍

孫夔臣

戚天培

楊爲裘

方渭

王夢鵬

李甲

蒲宗瑾

吳尚忠尚志

汪一元

阮世恩

國朝耆獻類徵初編卷三百八十七

通奉大夫前署江西巡撫江西布政使司布政使湘陰李桓輯

孝友十三

王瓚

王生瓚字雁亭漢軍正白旗人家奉天幼穎異天性孝友稍長補
博士弟子食餼乾隆元年以拔貢赴京 廷試聞母喪痛不欲生
抵家母已葬恨不得親視含殮結廬墓側朝夕泣血者三載遂以
哀毀抱病卒乾隆四年余奉 命至遼同官屢爲余言心識之以
爲信能如是當與宋周賁卿輩共傳矣聞生廬墓時遠近有不孝
不弟之行者皆曰勿令王孝子知有孤燕巢檐下飲啄與生相隨

半載無異或毀其巢燕去生以泥丸補之燕復來越明年巢中生
艾枝燕復去生知之爲去艾葺草燕來如初三載依依去時猶縈
戀哀鳴不忍舍云噫生之孝乃能化鄉人格禽鳥如是哉禮記曰
喪有疾食肉飲酒必有草木之滋焉又曰禮爲可傳也爲可繼也
故哭踊有節夫以毀不滅性之義律生其失也過然視夫居喪無
戚戚之容甚且敗度敗禮固生之罪人也予職司文衡得請於
廷表厥宅里風勵天下以彰孝德嗚乎人孰不生亦孰不死王生
之死於孝謂之猶生可也

右墓表傳爲箸撰

高啟燮

高啟燮山陰陡疊人父其宜母嚴氏啟燮性仁孝授室後猶常臥
親側母患背疽醫不治啟燮泣吮之數日愈又念母肢體傷痛乃
傳藥於手朝夕按摩歷數年得痊而啟燮雙目爲藥氣薰炙遂瞽
更三載後竟復明居親喪終制不近內斷葷酒父墓在村畔金雞
山日一往視雖風雨無間兩弟幼孤藉以成立終身其爨從兄子
侯卒濟南倉大使啟燮歸其骨爲娶媳延嗣凡族子無配者皆賴
以受室初胡某貸百金旣還寶應主簿啟燮偶過之胡欲勾重利
金以償啟燮乃焚券去郡大饑啟燮盡出所儲粟以振不給賣衣
飾又不給乃燮產相濟全活無算平居施棺藥以爲常蓋長者也

有司請旌其門人皆稱高孝子而不名舉鄉飲大賓年六十八卒後昆振振然爲陡疊華族云

太史氏曰德性漓而孝子出焉財貨重而義士形焉皆非世道之隆也高翁內行醇密本親親而仁民愛物不遺餘力抑豈有近名之心乎第行其所安而已孝子不匱永錫爾類其斯之謂歟

右傳蔣士銓撰

張忠掌

張孝子華亭人父生四子孝子其季也六歲父授孝經卽能領大意及長伯仲叔三兄久客閩蜀獨孝子在家奉兩親念人一有妻室卽奪慕父母心決意不娶父母勸之則曰娶婦爲後嗣計三兄皆有子猶吾子也兒奉吾親足矣於是傭書以供朝夕躬炊爨烹飪日必具美膳父母嘗曰爾何所得此蔬菜亦可適口對曰兒不肖僅此一味尙易辦也典鬻稱貸絕不令父母知父母時以三子不歸憂嘆不樂必曲爲開譬務得怡悅暇則課諸姪讀書子夜不倦父嘗疾劇刺血書疏籲天求代晝夜叩頭中庭額腫如拳父身作楚不能貼席孝子以身擁父背而手爲拊摩者數月父病獲痊

後父沒水漿不入口者三日每慟必頓絕母諭之曰父沒我尙在
況爾三兄俱在旁我惟爾是賴爾毋過毀傷生乃收淚勉進糜飲
力治喪事三年未嘗見齒祭享哭泣如初喪越數年母病奉湯藥
扶持臥起衣不解帶者歲餘孝子形神已羸瘠母竟沒則哀慟無
節親黨勸之泣曰吾年來儉生者母在故也今已矣得侍父母地
下吾願畢矣遂足不出戶惟對遺像悲泣日或一食或不食以至
不起卒年四十九孝子諱忠掌字逸巖其兄子清河縣主簿與余
子同官知其詳云

贊曰自古忠臣死君激於義也烈女死夫篤於情也若孝子之死
視惟其發於性之不能自己非可作而致亦非可強而制也嘗謂

聖人不滅性之教易爲後世忘親者所託然如張孝子者雖律以
聖人之教其能自制其崩裂摧毀而不至於死乎噫嘻至矣濡墨
誌此不禁自愧豈惟余愧之當人人愧之矣

右傳沈起元撰

古訓

此不禁自勵並勸余勉之當人人勉之矣

聖人之於其自勵其勉與勸而不至於死乎

聖人不勉自勵之勉與勸而不至於死乎

張本沅

吾友員嶠姓張氏諱本沅博學能文尤篤於孝友母侯病瘡臥牀
褥者累月傳藥滌穢員嶠皆身之及歿殮以其妻嫁時之衣聞者
莫不憐其貧而哀其志父太阿好讀書長於詩歌不事家人生產
屋數椽不蔽風雨山田百餘畝荒廢不治粥飧常不給而性頗嗜
甘脆一一委足於員嶠不問其所自而員嶠妻又以病廢不能親
井曰薪水米鹽皆躬自操作能曲當太阿意太阿素善病員嶠時
調藥餌因習禁方後以醫著名者皆侍疾時所得也自母亡後太
阿寢於外員嶠與同臥起歷十有八年未嘗一夕離左右及卒一
切附身附棺之具闕焉未備柩無停室乞於叔父始得之擗踊哭

號蒼黃莫措先君子聞而憐之往賻其喪甫殮而員嶠之病作矣發狂跳叫目不交睫者凡四十晝夜幾瀕於死當其危殆昏憤中又時時以弗克襄大事爲憂稍差遂鬻田宅以葬戚黨稱焉員嶠兩季本演居汝南涯本綱居汝北涯一日河水暴漲城不沒者半員嶠憂之夜半猶獨立城頭淋雨中東望泣曰不知吾弟死所矣已皆無恙或小有疾輒爲廢食寢遇食物佳者必戒其子曰好畜之以待汝叔本綱年逾六旬尙無子嗣員嶠每語及輒泣數行下曰吾百歲後所不瞑目者獨此耳其友愛如此

劉子曰昔太史公作史記列傳七十而以孝謹馴行稱者獨石奮父子聞亦可知庸行之不數數覲也王介甫誌其叔父師錫之墓

四百餘言第詳其孝於母以及其昆弟姑姊妹而他無及焉豈其別無事跡可紀抑以立言當擇其大者吾今傳員嶠其亦猶此爲也夫至其文章家世已詳吾仲嘯林傳中故不贅

右傳劉青蓮撰

胡學惠

孝子胡姓學惠名歆之古城人也生而穎慧十歲識經義知綴文
父鍾愛逾甚年十二父挈之游學於外每與言忠孝事卽涕涔涔
不自禁其後父得疾進藥不瘳孝子中夜起泣籲天刲股以進父
病已膏肓不能復救孝子於纒經中哀毀骨立復以創重冒風亦
尋以歿歿時執母手猶呼父不置母發被見癍痕流血亦一慟幾
絕於時年十有四矣孝廉凌君爲刻碑紀其事余初以沈痛不能
捉筆越數年乃克略敘其顛末而書之嗚呼亦可悲矣或者曰聖
人之教毀不滅性刲股非中道也然以髫年愛父悲切於懷創痛
有所不辭而肌膚有所不卹其至性所激殆所謂賢智之過者而

又安能執聖人之中道以繩韶稚之人哉惜乎情可以貫金石而不能格茫昧之鬼神義可以感鄉閭而不能挽睽離之天數抱純孝之德而不克永其齡天於斯人不可謂不酷也然而父逝子隨九泉追逐孝子亦復何言而況過其廬者咸動色咨嗟則孝子之死爲不死矣夫發潛德之幽光者乃吾徒之任也視斯人之骨已朽而忍使其湮沒無聞者將誰之責也迄今二三故老言及孝子所爲猶有泫然流涕者況其爲平時熱愛之人乎蓋孝子昔游余門故知之最悉云

右小傳曹學詩撰

王鋒

孝子姓王氏名鋒商邱沙里人也母曹氏早亡父克庸更娶後妻郭氏生二子一女郭氏私其所生溫飽饜飫無不如志遇孝子少恩節其飲食簞楚之幾無虛日孝子體短小面赤皮肉綻裂鄉里莫不憐也既長益竭力奉養或謂孝子汝繼母向者相待如何而殷勤若是孝子曰往事何足挂懷吾母也吾不養誰當養者父歿母所生二子別自爲生孝子獨與母居生事單微又無他技能爲人治木縣受其直以供母終不以扳兩弟族人喪事會食畢懷饅首二人問之曰吾以供母也其一飯不忘親多此類十餘年母卒哀痛一如所生具棺殮與父合葬如禮孝子既老且死終不言